

Avatangiisit innarlitsaaliorneqarnissaannik Inatsisartut peqqussutaat nr. 12 ulloq 22. december 1988-imeersoq.

Avatangiisit il.il. pillugit Kalaallit Nunaannut inatsit nr. 850, 21. december 1988-imeersoq naapertorlugu makku aalajangersarneqarput:

Kapitali 1.
Siunertaq il.il.

§ 1. Inatsisartut peqqussutaatigut matumuuna anguniarneqassapput:

- 1) silaannarmik, immamik, sikumik/sermimik nunamillu mingutsitsinaveersimatitsinissaq mingutsitsisoqartillugulu akiorniaanissaq,
- 2) pisorpalsitsinermik pitsaaliuinissaq akiorniaanissarlu,
- 3) peqqinnissamik tunngaveqartumik avatangiisinut pingaaruteqartunik malittarisassiornissaq aammalu
- 4) mingutsitsineq pillugu pilersarusiornermi aammalu mingutsitsirteq akiorniarlugu suliniuteqarnermi pisortatigoortumik tunngavissanik pisariaqartunik pilersitsinissaq.

Imm. 2. Inuup peqqinnartumik aammalu qasuernartumik inuunissaanut pingaaruteqartumik ammalu uumasut naasullu assigiinngiaartut piuinnarnissaannut pingaaruteqartumik silaannaap, nunap immallu pitsaasuutinniarnernut pingaartumik Inatsisartut peqqussutaat tunngavigineqartassaaq.

Imm. 3. Mingutsitsinermik pinaveersimatitsinissamut aammalu akiuunniarnissamut suliniutissat qanoq annertutigalutiilu suunissaannik aalajangiiniarnermi illua-tungaaticugut sumiiffigisani silaannaap, nunap immallu (ydre omgivelser) qanoq issusii aammalu mingutsitsinerup sunniutai, aappaaticugullu ingerlassaqarfiup, § 2-mi taaneqartup, inuiaqatigiinni iluaqutaanera, aammalu illersuuteqarniarluni suliniuteqarnermi artingaasartuutaasut tamarmik arajutsinaveersorneqartassapput.

§ 2. Ingerlassat suulluunniit, soorlu sunilluunniit manngertunik, imerpalasunik silaannartalinnilluunniit pilersitsinermikkut imaluunniit uumassuseqartut suulluunniit, sajutsitsinerit pisorpalsitsinerrillu silaannarmik, nunamik (nunap iluanik), qaarsunik, sermersuarmik, kuunnik, tatsinik immamilluunniit mingutsitsisinnaasut, kiisalu ingerlassaqarfik (virksomhed) suli aamma naasunik uumasunillu innarliinermik kinguneqartitsinnaasooq Inatsisartut peqqussutaanni pineqarput.

Imm. 2. Kiisalu aamma ingerlassaqarfik (virksomhed), sunilluunniit, soorlu sulianik navianartoqarsinnaasunik ilalik, kiisalu suusinnaasunik navianartortalinnik uninngasuuteqarlunulu assartuineq Inatsisartut peqqussutaanni pineqarput, taamaalilluni ingerlatsinermi akornusersuutit imaluunniit ajutoornerit, imm. 1-imi taaneqartumik mingutsitsissutaasinnaasut pinaveersimatinneqarlutik.

§ 3. Kalaallit Nunaanni pisuussutinik uumassuseqanngitsunik paasiniaanermut, misissueqqissaarnermut aammalu iluaquteqarnermut atatillugu pissutsinut avatangiisinut pingaaruteqartumik mianerinninnermut kiisalu aqutsinermut nakkutilliinermullu tamatumunngalu atatillugu atortussiasat aatsitassanit pisut pillugit maleruuaqqusanik aalajangersaaneq Inatsisartut peqqussutaanni ilaatinneqanngilaq, kisianni suli ingerlanneqarluni inatsimmik, piginnaatitsisummik tunngavigineqartumik imaluunniit sulianut taamaattunut akuersissutinik tunngaveqartumik kiisalu taakkunanga pisortaticugut ataatsimut suliaasut ilaattut.

§ 4. Ingerlassaqarfik (virksomhed) § 2-mi taaneqartutut ittoq ima inissinneqassaaq mingutsitsisinnaaneq sapinngisaq tamaat killilersimaneqarluni, tak. nunamik atuineq pilersaarusiornerlu pillugit Inatsisartut peqqussutaat nr. 6, 19. december 1986-imeersoq allanngortinneqartoq Inatsisartut peqqussutaanni nr. 1-imi 18. juni 1987-imi, § 1, nr. 3-mi.
Imm. 2. Sumiiffissamik toqqaanermi sumiiffiup eqqaata qanoq issusia, kiisalu naasut uumasullu ilanngullugit qajassuunneqarnissaat, massakkuusoq aammalu siunissami atuinerup isumannaatsuunissaat, kiisalu avatangiisinut ajoqutaanngitsumik imikoorfissaqarnissaq perlukoorfissaqarfissarlu isumagineqareertassapput.
Imm. 3. Ingerlasaqarfimmik (virksomhed) § 2-mi taaneqartutut ittumik ingerlatsisoq aallarniiniartorluunniit mingutsitsinerup pinaveersimatinnissaanut akiorniarnissaanullu pisariaqartunik sillimaniuteqariissaaq ingerlatsininilu ima aaqqissuullugu, ingerlassap mingutsitsisinnaanera suunngitsuinnaalluni.

Kapitali 2.

Oqartussaassuseqarnerup agguaannera.

§ 5. Qullersaasutut oqartussat tassaapput Naalakker suisut.

§ 6. Sumiiffinni oqartussat tassaapput pineqartumi kommunalbestyrelse.

Kapitali 3.

Qullersatut oqartussat.

§ 7. Naalakkersuisut anguniakkat § 1-imi taaneqartut isumagineqarnissaat siunertaralugu maleruaqqusanik aalajartgersaasinnaapput, tamatumani ilanngullugit ataani allattorneqartut pillugit aningaasartuuteqarnissanut maleruaqqusat:

- 1) ingerlassaqarfinnit (virksomheder), ingerlatsivinnit (anlæg), maskiinanit, sakuutinit, kiassaateqarfinnit assartuutinillu kiisalu tamakku aaqqissuunnerinit, ingerlannerinit aserfallatsaalinerinillu mingutsitsinerit killilersimanissaat,
- 2) imiinnarmit imissaqartitsiniarneq il.il.,
- 3) imikoornermit, ikuallaavinnit, eqqaavissuarnit il.il. mingutsitsinerit killilersimanissaat, kiisalu ingerlatsiviit (anlæg) tamakku aaqqissuunneri, ingerlanneri aserfallatsaalinerilu,
- 4) igitassanik eqqaaneq, tamatumani ilanngullugit olie-mik kemikalie-nillu eqqagassat,
- 5) illuliaareersunit illuliorfissanillu imikup aqqutaanut (kloak) atanilersuineq,
- 6) ikummatissat kiassarnermut imaluunniit assartuutitut maskiinanullu atugassat sukuloqanngitsuunissaat akoornissaallu,
- 7) ingerlatsiviit (anlæg), maskiinat, sakuutit (redskaber) assartuutillu suussusiisa pisortanit akuerisaasimanissaat,
- 8) suliat ulorianartortaqarsinnaasut kiisalu sunik navianartulinnik soorlu § 2-mi, imm. 2-mi taaneqartunik, uninngasuutegarulunilu (oplaging) assartuineq,
- 9) imeqarfinnik, silaannarmik nunamillu mianerinnineq kiisalu pisorpaloqartitsinaveersarneq,
- 10) sunik (stoffer)-nik imaluunniit uumasuaqqanik (organismer) aalajangersimasunik eqqussinissamik inerteqquteqarneq,
- 11) ingerlatsivinnik (anlæg), aaqqissuussinernik imaluunniit apparatinik, tamatumani aamma

uuttortaanermut apparatinik mingutsitsinermit akiuunnissaq siunertaralugu atortussanik pisortanik akuersisitsineq,

12) nunap isikkuisa, naasut il.il. innarlerneqarnerini iluarsaannissaat imaluunniit pissusaattut ilitinnissaat, aamma

13) uumasunut tunngasut.

§ 8. Maleruaqqusani § 7 naapertorlugu aalajangersaasoqarsinnaavoq kommunalbestyrelsep maleruaqqusani pineqartuni erseqqinnerusumik najoqqutassiuussinissaanut.

Imm. 2. Kiisalu Naalakkersuisut maleruaqqusani, § 7 malillugu aalajangersarneqartuni, akiliuteqartitsisinnaanissanut malittarisassanik aalajangersagaliorsinnaapput.

Kapitali 4.

Pisortatut nakkutillineq.

§ 9. Kommunalbestyrelsep nakkutigissavaa:

1) peqqussut aammalu malittarisassat, taanna naapertorlugu aalajangersarneqartut, eqqortinneqarnissaat.

2) peqqusinermit imaluunniit inerteqquteqarnermit aalajangikkat malinneqarnissaat, aammalu

3) piunasaqaatit akuersissuteqarnermit atasumik aalajangersarneqartut eqqortinneqarnissaat.

Imm. 2. Ingerlassaqarfiit (virksomheder), peqqussummut tapiliussami ilanngunneqartut, nakkutigineqarrrerat taamaattoq Naalakkersuisunit imaluunniit kinaasinnaasu mit, pisuni ataasiakkaani Naalakkersuisunit tamatumunnga pisussaatinneqartumit, isumagineqartassapput.

§ 10. Nakkutilliisut unioqqutitsisoqarneranik malussarunik, taama unioqqutitsinerup unitsinneqarnissaa isumagissavaat. Tamatumunngalu atasumik peqqussuteqarlutilluunniit inerteqquteqarsinnaapput taama pisumut iluaqutissaalluniluunniit pinngitsoortitsissutissamik.

§ 11. Peqqussutaasoq inerteqqutaasorluunniit piffissaliussami naalanneqanngippat, pisorta qarfiup peqqussuteqarluniluunniit inerteqquteqartup isumagissassaq isumagineqartissavaa pisussaaffiginnittup akiligassaanik.

Imm. 2. Annertuumik mingutsitsineq akornuserniarlugu imaluunniit taassuma siaruaakkaluttuinnarnissaa akornusersimaniarlugu piaarnerpaamik qanoq iliuuseqarnissaq pisariaqarpat, nakkutilliisutut oqartussat peqqussuteqaqqaaratik pisariaqartut isumagissavaat akisussaasup akiligassaanik.

§ 12. Kinaluunniit Inatsisartut peqqussutaanni matumani pineqartumik ingerlassaqartoq (virksomhed) piunaffigineqaarnikkut:

1) nakkutilliisutut oqartussanut paasissutissiissaaq mingutsitsisinnaanerup imaluunniit illersuutissatut qanoq iliuusaasinnaasut naliliiffiginissaannut pingaaruteqartunik,

2) nakkutilliisutut oqartussat taakkulu sinniisigisai ingerlassaqarfiup (virksomhed) ingerlatsiviinut (anlæg) tamanut isersinnaatitsissapput pisariaqartumik kinaassusersiinikkut, kiisalu

3) sanaanit il.il. misiligummik tunniussaqaassaaq, pineqartup atugaanik, kiisalu perlukoqarpat perlukunik.

§ 13. Pissutsinut imaluunniit aaqqissuussanut mingutsitsissutaasinnaasunut akisussaasoq, ingerlatsinermit akornusersuutit imaluunniit ajotoorneq mingutsitserujussuarnissamik imaluunniit

taamaalisoqarsinnaaneraniq nassataqartussamik kinguneqarpata nakkutilliisutut oqartussanut piaartumik kalerriissaaq.

Imm. 2. Imm. 1 naapertorlugu kalerriussineq, akisussaasup ingerlatsinermi akornusersuutip imaluunniit ajutoornerup nassataanik iluameersumik pinngitsoortitsiniartussaaneraniq annikillisisinnilaq.

§ 14. Kommunalbestyrelse tamatumunnga piumaffigineqarneq malillugu Naalackersuisunut sunik tamanik paasissutissiissaaq kommunemi pineqartumi eqqaanilu avatangiisitigut pissutsit naliliiffiginissaannut pingaaruteqartunik.

§ 15. Nakkutilliisutut oqartussat suliaannut tunngasumik malittarisassanik erseqqinnerusunik Naalackersuisut aalajangersaasinnaapput.

Kapitali 5.

Ingerlassaqarfiit (virksomheder) il.il. immikkut mingunnartut.

§ 16. Ingerlassaqarfiit (virksomheder) immikkut mingunnartut, ingerlatsiviit (anlæg) imaluunniit aaqqissuussinerit Inatsisartut peqqussutaannut tapiliussami ilanngunneqartut sananeqaratilluunniit aallartinneqassanngillat tamatumunnga akuersissut tunniunneqartinnagu.

§ 17. Ingerlatsiviit (anlæg) ingerlassaqarfiillu (virksomheder) pioreersut ingerlatiinnarnissaanniakuersissummik tunineqarnissaaq pisariaqanngilaq, taamaattoq ingerlassaqarfiit (virksomheder), ingerlatsiviit (anlæg) imaluunniit aaqqissuussinerit pioreersut, tapiliussami ilanngussatut ittut, piffissap aalajangersimasup iluani ingerlaqqinnissamut piumasaqaatitut, allilerneqaratillu allanngortinneqassanngikkaluarunilluunniit akueneqarnissaminnut qinnuteqartarnissaannut malittarisassanik naalackersuisut aalajangersaasinnaapput.

§ 18. Ingerlassaqarfiit (virksomheder), ingerlatsiviit (anlæg) imaluunniit aaqqissuussinerit pioreersut, tapiliussami ilanngunneqartut ittut, kapitalimi matumani malittarisassat malillugit akuerineqarnissaminnut qinnuteqarsinnaapput.

§ 19. Ingerlassaqarfiit (virksomheder), ingerlatsiviit (anlæg) imaluunniit aaqqissuussinerit §§-ini 16-18-imi taaneqartut, mingutsitsinerulersitsisinnaasut, allilerneqaratilluunniit illutamikkut imaluunniit ingerlanneqarnermikkut allanngortinneqassanngillat, allilerinissaaq imaluunniit allannguinissaaq akuerineqareersimatinnagu.

§ 20. Naalackersuisut peqqusisinnaapput, mingutsitsinerimik misissuinissaaq immikkut pisariaqarsorineqarpat ingerlassaqarfiit (virksomheder) aalajangersimasut, ingerlatsiviit (anlæg) imaluunniit aaqqissuussinerit, tamakku tapiliussamiippata/tapiliussamiinngikkaluarpataluunniit, piffissaaq aalajangersimasooq qaangiutsinnagu akuersissummik § 16-imi taaneqartutut qinnuteqassasut.

§ 21. §§-it 16-20 naapertorlugit akuersissuteqarnissat Naalackersuisunit aalajangerneqartassapput kommunalbestyrelse tusarniaavigereerlugu.

§ 22. §§-it 16-20 naapertorlugit akuerineqarnissamik qinnuteqaatit pilersaarutiniq, titartakkanik aammalu piukkoorussap paasinissaanut allaatigisanik ilaqartinneqassapput, kiisalu aamma mingutsitsisinaanerup ilimagineqarsinnaasup qanoq annertutigalunilu suunera taallugu. Taama mingutsitsineq ikiorsiiviginiarlugu suut qanoq iliuusaasussat ilisimatitsissutigineqassap.put.

§ 23. §§-ini 16-20-mi taaneqartutut akuersissutit imaqaassapput pissutsit suut tamatumunnga tunngavigineqartut taallugit, tassungalu ilanngullugit ingerlassaqarfiup (virksomhed) inissiffia, mingutsitsinerup suunera qanorlu annertutigineru aammalu qanoq iliuusissat ingerlassaqarfiup (virksomhed) mingutsitsinermik akiuiniutiginiakkatut ilisimatitsissutigisimasai.

Imm. 2. Akuersissut piumasaqaatitalerneqarsinnaavoq ingerlassaqarfik (virksomhed) Naalackersuisunut nalunaaruteqartarnissamik pisussaaffilerlugu, aammalu piumasaqaatit aalajangersarneqarsinnaallutik ingerlassaqarfiup (virksomhed) avatangiisini misissuiuarnissaanut imaluunniit taamaaliorneranut akiliutissat pillugit.

Imm. 3. Akuersissummi ingerlassaqarfiup (virksomhed) pilersinneranut ingerlanneranullu tunngasumik piumasaqaatit allattorsimassapput.

Imm. 4. § 18 naapertorlugu piumasaqaatit nalunaarutigineqartut pinngitsoorutik malitassaapput.

Imm. 5. Akuersissut piffissamat killiligaasinnaavoq.

Imm. 6. Illuliassat imaluunniit sanaassat suliarineqalissappata, akuersissut orulluteqarnissamik piffissaliussap qaangiutinnginnerani nalinginnaasumik atorreqarsinnaanngilaq.

Imm. 7. Naalackersuisut qinnuteqaatit akuersissuteqarnerillu qanoq iluseqarnissaat qanorlu imaqaarnissaat pillugit malittarisassanik erseqqinnerusunik aalajangersaasinnaapput.

§ 24. Akuersissummi piumasaqaatit unioqqutinneqarpata, tak. §§-it 16-20, taamaalilluni ingerlassaqarfik (virksomhed), ingerlatsivik (anlæg) imaluunniit aaqqissuussineq mingutsitsinermik nassataqarluni, Naalackersuisunit isigalugu ingasaginartumik, imaluunniit akuersissummi aalajangersarneqartunik qaangiisumik, taava Naalackersuisut ikiuutissatut qanoq iliuuseqartoqarnis saanik peqqusisinnaapput.

§ 25. Mingutsitsineq ikiorserneqarsinnaanngippat, imaluunniit § 24 malillugu peqqussutaasoq unioqqutinne qarsimappat, taava Naalackersuisut ingerlatsiinnartoqarnissaa inerteqqutaatilersinrtaavaat aammalu immaqa ingerlassaqarfik (virksomhed), ingerlatsivik (anlæg) imaluunniit aaqqissuussaq peerneqaqqusinnaallugu.

§ 26. Mingutsitsineq peqqinnissamat navianartumik nassataqartussaappat, tamatumani ingerlatsiinnarnissaq piaartumik kommunalbestyrelsemit inerteqqutaasinnaavoq. iamatumalu pineranut malitsiinnarlugu kommunalbestyrelse Naalackersuisunut tamatuminnga ilisimatitsissaaq, inerteqquteqarnerlu Naalackersuisunit isummerfigineqassalluni.

§ 27. Piffissami akuersissutip atuuffiani, tak. § 23, imm. 5, taamaallaat peqqusisoqarsinnaavoq inerteqquteqartoqarsinnaalluniluunniit §§-it 24 aamma 25 malillugit, ima pisoqarsimappat:

1) akuersissummi piumasarineqartut unioqqutinneqarlutik,

2) mingutsitsinerup ajortumik sunniuteqarsinnaaneriniq paasissutissat pingaaruteqartut nutaat saqqummersimallutik,

3) mingutsitsineq avatangiisinut ajoquseerujussuurtunik kinguneqarsinnaalluni, akuersissutip nalunaarutigineqarnerani siumut takorloorneqarsinnaanngitsunik, imaluunniit

4) mingutsitsineq akuersissummi tunngavigineqartunut ajoquseerujussuarluni.

Imm. 2. Akuersissuteqarnermit ukiut 8 sinnerlugit qaangiussimappata, Naalackersuisut tamatumunnga piumasaqaatit allannortissinnaavaat nutaamik akuersissuteqarlutik, avatangiisinut

tunggasunik pissuteqarpat, imaluunniit minguiaatit pitsaanagerusut nioqqutissionaatsilluunniit mingutsitsissinnaanginnerusut pisassaalersimappata.

Imm. 3. Naalackersuisut malittarisassanik aalajangersaasinnaapput, imm. 2-mi taanegartumik piffissaq sivikillineqassasoq suliffinnut immikkut ittunut, taamaattoq ukiunik tallimanik ataatsinngitsumik.

§ 28. Nakorsaaneqarfik sulianut kapitali manna naapertorlugu akuersissutigineqartunut tunggasuni tusarniaavigineqassaaq.

§ 29. Kapitali una malillugu akuersissutip nalunaarutigineqarnerani akuersissut avisini nuna tamakkerlugu saqqummersartuni tamanut tusagassiissutigineqassaaq kiisalu sumiiffimmi nalinginnaasumik periusaasartut malillugit.

Kapitali 6.

Imerineqartut sukuluitsuutinniarneri.

§ 30. Imerineqartussamik il.il. imeqarfiliordermi killeqarfiliineqassaaq, killiliussat iluini illuliortoqassanani, qimmeqarfeqarnani, inuutissarsiorfeqarnani, suliffeqarfeqarnani il.il. imaluunniit imermik mingutsitsissinnaasunik sunilluunniit inissiisoqarnani.

Imm. 2. Killeqarfissat kommunep pilersaarusernerani aalajangersarneqassapput, tak. Nunamik atuneq pilersaarusernerlu pillugit Inatsisartut peqqussutaat nr. 6, 19. december 1986-imeersoq Inatsisartut peqqussutaanni nr. 1, 18. juni 1987-imi allannortinneqartoq.

Imm. 3. Imeq, imerineqartussatut imaluunniit allamik siunertaqartumik katersorneqartoq, imerineqartussatut pitsaassuseqartuusussaq, Naalackersuisunit aalajangersarneqarsinrtasumik pitsaassusissaliussat minnerpaaffi annik naammassinnittuusaaq.

§ 31. § 30-mi taaneqartumik killeqarfinit Naalackersuisut immikkut ittumik akuersissuteqarsinnaapput, tamatumunnga pissutsit immikkorluinnaq ittut tamanna ajornartinngippassuk.

Imm. 2. Imm. 1 malillugu immikkut ittumik akuersissutit Naalackersuisunit sukulluunniit allannortinneqarsinnaapput imaluunniit atorunnaarsinneqarlutik, Naalackersuisut isumaqarpat imeqarfimmi imeq mingutsinneqariataarsinnaasoq. Taamaaqataanillu atuupput pissutsinut, soorlu peqqussutip atuutilinnginnerani akuersissutitaqartumik akuersissutitaqanngitsumilluunniit ajornartitaasimannikkaluartunut.

§ 32. Naalackersuisut kommunalbestyrelsemut tusarniaaerlutik imeqarfinnut pioreersunut imeqarfiliassanulluunniit mingutsitsinaveersimatitsiniutaasumik inerteqquteqarlutilluunniit peqqussuteqarsinnaapput aammalu taamatut imeqarfiup aalisarfiunnginnissaanut angallaviunnginnissaanullu, aammalu uninngaarfiunnginnissaanut najoqqutassanik aalajangersaasinnaallutik imaluunniit aatsaat taama pisoqarsinnaasoq piumasaqaatit erseqqinnerusumik aalajangersakkat malillugit.

§ 33. Kapitali una naapertorlugu suliassani tamani Naalackersuisut aalajangiineri pisassapput peqqinnissamat oqartussaqarfiit isumasioqatigereerlugit suliassat nakorsaaneqarfimmut saqqummiunnerisigut.

Kapitali 7.

Imarmik imermillu sukuloqartitsinaveersarneq.

§ 34. Imerpalasut allallu suut imarmik imermilluunniit mingutsitsisinnaasut taakkununga kuineqassanngillat imalu uninngasuutigineqassallutik, taakkununga maqisoorsinnaaneri sapinngisaq tamaat atorlugu pinaveersimatillugu.

Imm. 2. laamaattoq angerlarsimaffinnit nalinginnaasu mik imikoq kiisalu imikoq alla annikitsumik kangerlummot imaanulluunniit kuuttussanngortinneqarsinnaavoq.

§ 35. Naalackersuisut malittarisassanik aalajangersaasinnaapput imikup sukujuiarnissaanut kuutsinnissaanullu piumasaqaatit suut piumasaqaataassanersut pillugit.

Imm. 2. Aammattaaq Naalackersuisut § 34, imm. 1-imi inerteqqutaasunik immikkut akuersissuteqarsinnaapput, kiisalu aamma tamatumunnga piumasaqaatinik erseqqinnerusunik aalajangersagaqarsinnaallutik.

Imm. 3. Imm. 1 aamma 2 malillugit aalajangersaanerni nakaorsaaneqarfik tusarniaavigineqassaaq.

Kapitali 8.

Nalunaarsuineq pilersaarusiorterlu.

§ 36. Naalackersuisut kommunenik isumaqatiginninniareerlutik pissutsinut, kommuneni avatangiisinik allanngutsaaliuinerlutik pingaaruteqartunik nalunaarsuinerlutik pilersaarusiorterlullu malittarisassanik aalajangersaasinnaapput.

Kapitali 9.

Peqqussuteqarnermi inerteqquteqarnermilu najoqqutassat

§ 37. Akuliuttussat illugiit tusarniaavigereerlutik oqartussat aalajangigaat allaganngorlugit illugiinnut nalunaarutigineqartassapput nakorsaaneqarfik ilisimatitsissuteqarfigiitigalugu.

Aalajangerment minnerpaamik imarissavaat:

- 1) isummat pingarnerit aalajangernerlutik tunngaviusut,
- 2) aalajangernerup sumut orullutigineqarsinnaanera aammalu
- 3) tamatumunnga piffissaliussap malinneqarnissaa nalunaarutigineqarlutik.

§ 38. Peqqinnissamut navianartorsiortitsineqalersillugu aammalu mingutsitserujussuarnissaq imaluunniit mingutsitsinerup siaruaannissaa pinngitsoortinniarlutik massakkorpiaq akuliunnissaq pisariaqalersillugu, peqqusinermit inerteqquteqarnermilluunniit aalajangerneq oqaasiinnakkut nalunaarutigineqarsinnaavoq ingerlaannavissumik malinneqartussaq.

§ 39. Nakkutilliinermi suliassani tamani, peqqinnissamut navianartorsiortitsineqarnera imaluunniit tamatumunnga pitsaanngitsoqanataarsinnaaneranik tunngaveqartumik peqqussuteqarnissami inerteqquteqarnissamiluunniit nakorsaaneqarfik aalajangiinermi peqataatinneqartassaaq.

Kapitali 10.

Orullut.

§ 40. Inatsisartut orulluteqarnermut ataatsimiititaliussaaq pingasunik ilaasortalimmik. Inatsisartut orulluteqarnermut ataatsimiititaliamaut siulittaasoq kiisalu ilaasortat marluk taakkulu sinniisussaat marluk toqqassavaat. Ilaasortaannaat marluk taakku toqqarneqassapput Naalakkersuisut aammalu Kalaallit Nunaanni Kommuneqarfiit Kattuffiata inassutaat malillugit.

Imm. 2. Orulluteqarnermut ataatsimiititaliap ilaasortai tamatuma peqataanik Naalakkersuisunut ilaasortaasussaangillat.

Imm. 3. Ataatsimiititaliap qinigaaffiata Inatsisartut qinigaaffiat malittaraa. Ataatsimiititaliap atuutissaaq nutaamik Inatsisartunut qinikkat ataatsimiinrtissaasa nutaamillu ataatsimiititaliamut ilaasortassanik toqqaanissap tungaanut.

Imm. 4. Ataatsimiititaliamut immikkut ilisimasaqartut peqataatinneqarsinnaapput.

Imm. 5. Ataatsimiititaliap ingerlatsinissani nammineq aalajangersassavaa malittarisassat kinguliiniittut toqqammavigalugit.

§ 41. Inatsisartut peqqussutaat una naapertorlugu aalajangernerit malittarisassaliilluunniit taanna naapertorlugu suliarineqarsimasut tamarmik orulluteqarnermut

1) aalajangersaaffigineqartoq,

2) nakorsaaneqarfik,

3) kinaluunniit, suliap inerneranut nammineq inuttut imaluunniit pingaaruteqartumik soqutigisaqarsimasinnaasoq.

§ 42. Orulluteqarnissamut piffissaavoq ullormit tassangaannit aalajangernerup aalajangersaaffigineqartumut nalunaarutigineqarneranit, imaluunniit akuersissutip tamanut tusarliunneqarneranit sapaatit akunneri 6, imaluunniit, tak. § 29.

§ 43. Orulluteqarnermut ataatsimiititaliap aalajangernerera naggataamik aalajangerneruvoq.

§ 44. Orullut akuersissutinut, pisinnaatitsissutinut, peqqusissutinut imaluunniit inerteqqutinut kinguartitsissutaasinnaatitavoq, orulluteqarnermut ataatsimiititaliap aalajangernissaata tungaanut, imaluunniit orulluteqarnermut ataatsimiititaliap allamik aalajangiinissaata tungaanut.

Imm. 2. Oqartussaarfik, peqqussummik imaluunniit inerteqqummik aalajangiisoq, aammattaaq immikkut tunngavissaqartillugu, peqqussuteqarnermi inerteqquteqarnermiluunniit aalajangersaasinnaavoq orulluteqartoqaraluarpalluunniit tamanna naalanneqassasoq. Aalajangiineq taanna orullutigineqaraluarpalluunniit, peqqussutaasoq imaluunniit inerteqqutaasoq malinneqassaaq, orulluteqartarfiup allamik aalajangiinissaata tungaanut.

§ 45. Peqqussut una malillugu imaluunniit tamatumani tungavegartumik najoqqutassiat malillugit akuersissutip atornissaani illuliornissat imaluunniit sanaartornissat piumasarineqarpata, taava suliaasat taamaattut aallartinneqassangillat § 42-imi taaneqartumik orulluteqarnissamik piffissaliussaq naatinnagu.

Imm. 2. Naalakkersuisut pissutsini immikkut illuinnartuni aammalu qinnuigineqarnikkut illuliassanik sanaartugassanillu aallartitsinissamut akuersisinnaapput orulluteqarnissamik piffissaq naangikkaluartoq. Akuersissut taanna orullutaasinnaangilaq.

Kapitali 11.

Pineqaatissinermut aalajangersakkat il.il.

§ 46. Akiliisitaasinnaavoq:

- 1) § 12 malillugu piumaffigineqarnerminik malinninngitsoq,
- 2) § 13 malillugu ilisismatitsissuteqanngitsoortoq,
- 3) §§-it 16 aamma 19 malillugit akuerineqarnani ingerlassaqarfimmik (virksomhed) sanalersoq, aallartitsisoq imaluunniit ingerlatsisoq, tak. § 23, imm. 6,
- 4) §§-it 17 aamma 20 malillugit akuersissummik pissarsiniarsimanrtgitsoq,
- 5) §§-it 10, § 23, imm. 2-4, 24, 25, 26, 32, aamma 38 malillugit peqqusummik, inerteqqummik imaluunniit piumasaqaammik unioqqutitsisoq,
- 6) § 34, imm. 1-imik unioqqutitsisoq, imaluunniit § 35, imm. 2 malillugu immikkut ittumik akuerineqarnermi piumasaqaatinik sumiginnaasoq,
- 7) § 45-mik unioqqutitsisoq.

Imm. 2. Malittarisassani §§-it 7 aamma 35, imm. 1 malillugit peqqussutinngortuni aalajangersarnegarsinnaavoq malittarisassanik unioqqutitsineq akiliisitsissutaasinnaasoq.

§ 47. Unioqqutitsinerit, aktieselskabinit imaluunniit anpartsselskabinit, piginneqatigiiffinnit imaluunniit assigisaannit unioqqutitsineruppata, selskabi akiliisitaasinnaavoq. Unioqqutitsineq Namminersornerullutik Oqartussanit, kommunemit imaluunniit kommunenit ataatsimoortunit unioqqutitsineruppat, taava Namminersornerullutik Oqartussat, kommunit imaluunniit kommunit ataatsimoortut akiliisitaasinnaapput.

§ 48. Oqartussaqaarfiit inuillu, peqqussut malillugu suliaqartut, kiisalu kinaluunniit tamatumunnga ikiuuttoq, pissutsit isertuuttariaqartutut isigineqartut pillugit nipangiussisimasussaataapput, tak. Kalaallit Nunaanni pinerlunnermut inatsit, § 29.

Kapitali 12.

Atortuulersitsineq il.il.

§ 49. Inatsisartut peqqussutaat una atulerpoq 1. januar 1989.

Imm. 2. Avatangiisinik innarlitsaaliuinermit tunngasumik malittarisassat maannamut atuuttut atuutiinnassapput, peqqussut una malillugu allanngortinrteqarnissa mik tungaannut.

Kalaallit Nunaanni Namminersornerullutik Oqartussat, 22. december 1988.

Jonathan Motzfeldt

/

Lars Vesterbirk

[Ilanngussaq](#) (pdf-format)